



# خاطري طاب

شعر  
سالم بن أحمد المناعي

ياللي تناسيت قلبي خاطري طاب  
معا عاد تغفريه بأحلام وأماني  
صحيح تصعب علي والشوق غلاب  
ان قلت ابنسك قلبي ماهياني  
اتذكرك لين شفت الناس تغتاب  
كئني مع طيفك اغتابك هذاني!  
وان غاب زوك كثير الشوق ماغاب  
يعزف على هامش اغيابك اغاني  
سننتين والشوق لا ودي ولا جاب  
ومن جيت يمي معاك الشوق جاني  
عأقت فيك الامل وانسدت ابواب  
فتحتها لجل ادور بك مكاني  
عزيت ربك علي عزيت الاقرب  
ولاتحديت خلق الله عشاني  
تعبت اطييرك عالي بين الاسراب  
لحظات.. ترجع تغرد في جناني  
معك انتظار الثواني تحرق اعصاب  
وشلون لاغبت باعد الثواني!  
أشتاق لك كثر ماخانطني أسباب  
أشوفها فيك لجل أحب ثاني  
الحب ثمر وخالصة بذرة اعجاب  
والشوق طفل تجسد في كياني  
والفكر رحلة بها الاشواق ركاب  
كل مانويت السفر طيفك خذاني  
لاتحسب الجفن من كثر السهر ذاب  
ياما على شان شوفك جاك عاني  
أرخصت لك دمعي الغالي والاهداب  
لو كانت لشخص غيرك مامداني  
ماشاب همي وهم الشعر ماشاب  
لأخر قصيدة بعبر لك حناني  
الشعر.. لاحداث عمري ستر وحجاب  
مبطني ولا جيت بك لاكسب رهاني  
ماكبرتني بعين الناس الالقاب  
ولا صغرتني ليا عزيت شاني  
عشت الهوى والوله في صفحة كتاب  
لي مل شعري من الصمت وبكاني!  
كنت احلم أعيش لو في ذرة تراب  
كوني بصحراك وترابك كفاني  
بس القهر مالقيت بداخلك باب  
ولا لقيت لوجودي بك معاني  
باصد عنك لاني خايف انساب  
ما بنتظر لين يجرفني زمني  
روح ولا عاد لك بالخاطر اسباب  
يمدك تصبح بعيني شخص ثاني